



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-341-5/25**
Datum: **01.09.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica „Kopex-Sarajlić“ d.o.o. Srebrenik za donošenje rješenja o vodnoj dozvoli za ispuštanje oborinskih onečišćenih voda sa lokacije objekta benzinske stanice sa pratećim sadržajima - Poslovna jedinica „Tuzla 1“ na lokalitetu Šići, općina Tuzla, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu „Kopex-Sarajlić“ d.o.o. Srebrenik daje se vodna dozvola za ispuštanje oborinskih onečišćenih voda sa lokacije objekta benzinske stanice sa pratećim sadržajima - Poslovna jedinica „Tuzla 1“ na lokalitetu Šići, općina Tuzla, izgrađene na zemljištu označenom kao k.č. broj 3917/1 K.O. Plane, Grad Tuzla.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz slijedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se skladištenje nafte i naftnih derivata vršiti u podzemnim čeličnim dvoplašnim rezervoarima i to: R-1 kapaciteta 29.489 l, R-2 kapaciteta 50.249 l, R-3 kapaciteta 29.668 l R-4 kapaciteta 50.371 l, sa pripadajućom armaturom za rukovanje, praćenje i sigurnost rada.
 - 2.3. Da korisnik predmetnog objekta, za vrijeme trajanja ove dozvole, obezbjeđuje da se oborinske onečišćene vode sa saobraćajnih, radnih i manipulativnih površina nesmetano sakupljaju i odvođe do objekta predviđenog za tretman onečišćenih voda (separator ulja i masti), a zatim ovako tretirane vode preko monitoring okna upuštaju u rijeku Jalu.
 - 2.4. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
 - 2.5. Prečišćene oborinske onečišćene vode moraju ostati u maksimalno dopuštenim granicama definiranim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.6. Objekte čija je svrha odvođenje i prečišćavanje oborinskih onečišćenih voda (separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 2.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 2.8. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 2.9. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Kopex-Sarajlić“ d.o.o. Srebrenik – P.J. „Tuzla 1“, općina Tuzla, dana 06.08.2025. godine, podnijelo je zahtjev za izdavanje vodne dozvole za ispuštanje oborinskih onečišćenih voda u prirodni recipijent sa lokacije objekta benzinske stanice sa pratećim sadržajima, izgrađenog na lokalitetu Šići na zemljištu označenom kao k.č. broj 3917/1 K.O. Plane, Grad Tuzla.

U provedenom postupku dostavljena je i pregledana sljedeća dokumentacija:

- Aktuelni izvod iz sudskog registra izdat od strane Općinskog suda u Tuzli – ovjerena kopija,
- Uvjerenje o registraciji poreznoj obveznika od 23.05.2019. izdato od strane Porezne uprave Kantonalnog poreznog ureda u Tuzli - ovjerena kopija,
- Obavještenje o razvrstavanju pravnog lica prema klasifikaciji djelatnosti, broj: 07-32.5-84684/19 od 24.05.2019. godine izdato od strane Službe za statistiku za područje Tuzlanskog kantona - ovjerena kopija,
- Uvjerenje o poreznoj registraciji od 01.09.2014. izdato od strane Porezne uprave Federacije BiH Kantonalnog poreznog ureda u Tuzli - ovjerena kopija,
- Obavještenje o razvrstavanju dijelova pravnog lica prema klasifikaciji djelatnosti, broj: 07-32.5-1080/14 od 26.08.2014. godine izdato od strane Službe za statistiku za područje Tuzlanskog kantona – ovjerena kopija,
- Uvjerenje o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-3428-2/19 od 10.06.2019. godine izdato od strane Uprave za indirektno-neizravno oporezivanje Banja Luka – ovjerena kopija,
- Rješenje o odobrenju za građenje, broj: 06-23-006219-2001-MA od 01.04.2002. godine izdato od strane Službe za prostorno uređenje i zaštitu okoline opštine Tuzla – kopija,

- Rješenje o odobrenju za upotrebu, broj:06/11-23-003420-2003-MA od 18.07.2003. godine izdato od strane Službe za prostorno uređenje i zaštitu okoline opštine Tuzla – kopija,
- Rješenje o vodnoj dozvoli, broj: UP-I/25-3-40-276-4/20 od 22.07.2020. godine izdato od strane Agencije za vodno područje rijeke Save, Sarajevo – kopija,
- Kopija katastarskog plana UR.BROJ: 07-27-4786/2024-3 od 20.06.2024. godine izdata od strane Službe za geodetske i imovinsko-pravne poslove Grada Tuzla – kopija,
- Posjedovni list broj: 2627, broj: 07-27-4786/24-2 od 20.06.2024. godine izdat od strane Službe za geodetske i imovinsko-pravne poslove Grada Tuzla - kopija,
- Rješenje o vodnoj dozvoli, broj: 04/1-13-21-20100/21 od 10.08.2021. godine izdato od strane Ministarstva poljoprivrede, šumarstva i vodoprivrede Tuzlanskog kantona – kopija,
- Ugovor o izvođenju radova čišćenja separatora i septičkih jama i odvozu otpadnog mulja i taloga (tretman otpadnih voda) iz separatora i septičkih jama sa lokacije Naručioća, br. 01-596/23 od 29.05.2023. godine sklopljen sa „Delta Petrol“ Kakanj d.o.o. – kopija,
- Izvještaj o monitoringu kvaliteta i kvantiteta otpadnih voda benzinske pumpe „Kopex Sarajlić“ Tuzla, Šići, broj: 1121/25, juni 2025. godine, urađen od strane „Inspekt-RGH“ d.o.o. Sarajevo – kopija,
- Račun 00740/25 od 25.06.2025. godine, radni nalog od 24.06.2025. godine i transportni list br: 756-04/25 od 24.06.2025. godine o čišćenju i zbrinjavanju zauljene vode i taloga iz separatora, Kemeko – BH d.o.o. Lukavac – kopija,
- Račun 00804/25 od 10.07.2025. godine i radni nalog od 07.07.2025. godine o čišćenju septičke jame i zbrinjavanju taloga, Kemeko – BH d.o.o. Lukavac – kopija,
- Obrazac „EBS“, Izvještaj o obračunu broja ekvivalentnih stanovnika za mjesec juni 2025. godine od 21.07.2025. godine,
- Račun za utrošenu vodu broj: 287349-25-008641, dokaz da je benzinska pumpa priključena na gradsku vodovodnu mrežu,
- Dokaz o uplaćenju posebnoj vodnoj naknadi,
- Dokaz o uplaćenju upravnoj i administrativnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-153-3/25 od 19.06.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat benzinske pumpe „Kopex Sarajlić“ d.o.o. Srebrenik, Poslovna jedinica „Tuzla 1“ locirana je u naselju Šići, općina Tuzla. Sastoji se od trgovine, skladišnog prostora, poslovne prostorije, mokrog čvora, tri pumpna agregata sa osam pištolja, četiri dvoplašna rezervoara za smještaj naftnih derivata i to: R-1 kapaciteta 29.489 l, R-2 kapaciteta 50.249 l, R-3 kapaciteta 29.668 l R-4 kapaciteta 50.371 l.
- Zauljene vode sa radno manipulativnog prostora se putem slivnika, rešetki i cijevi odvođe do separatora ulja i masti, kapaciteta Q= 20 l/s, tip Tehnix 3750 V 3750AZ Donji Kraljevac, R Hrvatska. Nakon tretmana u separatoru voda se sistemom cijevi odvodi do rijeke Jale. Vode sa krova i nadstrešnice se jedinstvanim sistemom oluka i cijevi odvođe do rijeke Jale preko zajedničkog (jednog) monitoring okna, mjerno mjesto E1.
- Benzinska pumpa je priključena na gradsku vodovodnu mrežu.
- Sanitarno-fekalne otpadne vode iz objekta se disponiraju u septičku jamu koju uredno prazni „Kemeko – BH“ d.o.o. Lukavac.
- Zbrinjavanje opasnog otpada vrši firma „Delta Petrol“ d.o.o. Kakanj.
- Čišćenje separatora ulja i masti vrši firma „Kemeko – BH“ d.o.o. Lukavac.
- Monitoring kvaliteta i kvantiteta otpadnih voda, po ugovoru radi „Inspekt-RGH“ d.o.o. Sarajevo. Prema rezultatima analiza nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u prirodne recipijente i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva „Kopex Sarajlić“ d.o.o. Srebrenik, Poslovna jedinica „Tuzla 1“, ispunio minimum uslova za izdavanje vodne dozvole za ispuštanje oborinskih onečišćenih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-341-3/25 od 28.08.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Adnan Bašić, dipl.ing.građ.

Po ovlaštenju
Rukovodilac Sektora za izdavanje vodnih akata
Inšad Pezo, dipl.inž.građ.



Dostaviti:

- "Kopex Sarajlić" d.o.o., Ivana Markovića Irca bb, 75350 Srebrenik,
- Ⓞ AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava